



МАНАЛЛА

Ўзбекистон Оқсоқоллар кенгаши, «МАҲАЛЛА» жамғармасининг нашри

№ 8 (235)

2001 йил 21 феврал, чоршанба

Газета 1996 йил январь ойидан чиқа бошлаган

Сотувда эркин нархда

Ўзбекистон Республикаси Вазирлар Маҳкамасининг ҚАРОРИ

Наврўз байрами муносабати билан мамлакатимизда «Ободонлаштириш ва кўкаламзорлаштириш ойлиги» ўтказиш тўғрисида

Умумхалқ «Наврўз» байрамини муносиб қутиб олиш, юртимиз табиатини соғломлаштириш, мамлакатимиз чиройига чирой қўшиш, аҳоли ўртасида табиат, она Ватанга муҳаббат туйғуларини кучайтириш, баҳорги ободонлаштириш ишларини ташкил этиш мақсадида Вазирлар Маҳкамаси қарор қилади:

1. Шу йилнинг 21 февралдан 21 мартгача мамлакатимизда «Ободонлаштириш ва кўкаламзорлаштириш ойлиги» ўтказилсин.

2. «Ободонлаштириш ва кўкаламзорлаштириш ойлиги»ни ўтказиш буйича Республика ташкилий гуруҳи таркиби тасдиқлансин.

3. Республика ташкилий гуруҳи Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда:

уч кун муддат ичида жойларда «Ободонлаштириш ва кўкаламзорлаштириш ойлиги»ни ўтказиш буйича худудий ишчи гуруҳлари ташкил этсинлар;

мавжуд боғлар, дарахт ва буталарга агротехник ишлов ва шакл бериш, барча йўللари таъмирлаш, зовур ва ариқларни, дам олиш масканларини, бозор худудларини, қабристонларни тозалаш, тартибга келтириш ва ободонлаштириш ишларини амалга оширсинлар;

ўзларига тегишли худудларда янги боғроғларни барпо этиш, дарахтларни режа асосида, сифатига алоҳида эътибор берган ҳолда, ўз вақтида экинни ташкил этсинлар;

меҳрибонлик ва қариялар уйлари, болалар бөлчалари, касалхоналар худудларини янада ободонлаштириш, уларнинг атрофига манзарали ва мевали дарахтларни экишга алоҳида эътибор қаратсинлар; худудий коммунал-фойдаланиш бирлашмалари маҳалла оқсоқоллари ва фаоллари, уй-жой ширкатлари аъзолари иштирокида кўп қаватли уйлارнинг ташкилини, уйлари кириш йўлакларини ҳамда бириктирилган майдонларни тартибга келтирсинлар ва кўкаламзорлаштирасинлар.

4. Республика «Маҳалла», «Соғлом авлод учун» ва «Наврўз» жамғармалари, «Экосан» халқаро жамғармаси, Республика «Маънавият ва маърифат» кенгаши ҳамда бошқа ташкилот ва муассасалар бир ой мобайнида кенг жамоатчиликни жалб этган ҳолда ободонлаштириш ва кўкаламзорлаштириш ҳашар кунларини ташкил этсинлар.

5. Ўзбекистон Республикаси Қишлоқ ва сув хўжалиги вазирлиги, Шредер номидаги илмий ишлаб чиқариш корпорацияси, Ўрмончилик илмий тадқиқот институти буюртма асосида манзарали ва мевали кўчатларни тегишли ташкилотларга ўз вақтида етказиб беришни таъминласинлар.

6. Ўзбекистон Республикаси Меҳнат ва аҳолини ижтимоий ҳимоя қилиш вазирлиги, «Маҳалла», «Нуроний», «Наврўз», Меҳр-шафқат ва саломатлик жамғармалари вазирликлари, идоралар, корхона ва ташкилотлар иштирокида Наврўз байрами арафасида меҳрибонлик ва қариялар уйлари, кам таъминланган оилаларга моддий ва маънавий ёрдам беришни кучайтирсинлар.

7. Ўзбекистон Республикаси Соғлиқни сақлаш вазирлигига аҳоли ўртасида тозалikka, атроф муҳитни ҳимоя қилишга эътиборни кучайтириш ва бу борда кенг ташвиқот ишлари олиб бориш топширилсин.


8. «Ўзтелерадио» компаниясига, республика оммавий ахборот воситаларига «Ободонлаштириш ва кўкаламзорлаштириш ойлиги»ни ўтказиш жараёнини кенг ва мунтазам равишда ёритиш тавсия этилсин.

9. Мазкур қарор ижросини назорат қилиш Бош вазир ўринбосари Ҳ.Караматов зиммасига юклансин.

Вазирлар Маҳкамасининг Раиси **И.КАРИМОВ**

Тошкент шаҳри,
2001 йил 20 феврал.

◆ НАВРЎЗ ЭШИК ҚОҚМОҚДА



ХАЙРЛИ ТАШАББУС

Вилоят Оқсоқоллар Кенгаши, «Маҳалла» жамғармаси, «Нуроний», «Камолот» жамғармалари вилоят аҳлига мурожаатнома қабул қилишди. Унда халқимизнинг миллий байрами, янгилаш фасли Наврўз байрами арафасида вилоятдаги барча маҳалла аҳли ободонлаштириш ишларини олиб борилиши, вилоят аҳлини хайрли ишларда фаол иштирок этишларига даъват этилган.

**Ш.ҚАРИШЕВ,
САМАРҚАНД.**



Дунё харитасидан юртимизнинг ўрнини топамиз

ЎЗБЕКИСТОН РЕСПУБЛИКАСИ ОЛИЙ МАЖЛИСИДА

АМАЛИЙ КОНФЕРЕНЦИЯ

Кеча Ўзбекистон Республикаси Олий Мажлисида «Оналар ва болалар йили» доирасида «Умумтаълим мактабларида ҳуқуқий тарбия» мавзудаги илмий-амалий конференция бўлиб ўтди.

Конференция Ўзбекистон Республикаси Олий Мажлисининг Оила ва аёллар муаммолари комиссияси, Фан, таълим, маданият ва спорт масалалари қўмитаси ҳамда Ўзбекистон хотин-қизлар қўмитаси томонидан ташкил этилди. Унинг ишида Олий Мажлис депутатлари, Халқ таълими вазирлиги, Олий ва ўрта махсус таълим вазирлиги, Соғлиқни сақлаш вазирлиги, «Камолот» ёш-

лар ижтимоий ҳаракати, «Соғлом авлод учун» хайрия жамғармаси, Маърифат ва маънавият Кенгаши мутахассислари, шунингдек, оммавий ахборот воситалари вакиллари иштирок этдилар.

Конференцияда Ўзбекистон Республикаси Бош вазирининг ўринбосари, Ўзбекистон хотин-қизлар қўмитаси раиси Д.Ғуломов, Олий Мажлисининг Фан, таълим, маданият ва спорт масалалари қўмитаси раиси Н.Жураев ҳамда Оила ва аёллар муаммолари комиссияси раиси Ш.Салимова ва бошқалар маъруза қилдилар.

МУХБИРИМИЗ.

ХАЛҚАРО АНЖУМАН

«ГАПНИНГ ЙЎРИҒИ МАҲАЛЛАГА БОҒЛАНДИ»

Шу йилнинг 15-16 февраль кунлари Тошкент шаҳрида «Фуқароларнинг ўзини ўзи бошқариш органлари фаолиятини ҳуқуқий тартибга солиш: қонунчилик ва амалиёт» мавзуда халқаро конференция бўлиб ўтди.


Унинг ишида мамлакатимиз, шунингдек, Қозоғистон, Қирғизистон, Тожикистон, Украина парламентлари ҳамда Шарқий ва Марказий Европа мамлакатлари давлат органлари ҳамда Шарқий ва Марказий Европа мамлакатлари давлат органлари ҳамда

маҳаллий бошқарув органларининг вакиллари, БМТ Тараққиёт Дастури, ТАСИС каби бир қанча халқаро ташкилотлар мутахассислари иштирок этдилар.

Очилиш маросимида Олий Мажлисининг Демократик институти, нодав-

лат ташкилотлар ва фуқароларнинг ўзини ўзи бошқариш органлари қўмитаси раиси Акмал Саидов, Ўзбекистон Оқсоқоллар кенгаши, «Маҳалла» хайрия жамғармаси бошқаруви раиси Шухрат Жалилов, Очиқ Жамият Институти Кўмак Жамғармаси Ўзбекистон бўлимининг ижрочи директори Ален Делероз сўз олиб, халқаро конференция иштирокчиларини қутқалилар.

(Давоми 2-бетда.)



2-саҳифасида:

- Хорижлик мутахассислар маҳалла тизими фаолиятига жуда қизиқиб қолдилар...
- Ота-боболаримиз дийдорлашиш, дoston тинглаб, қўшиқ эшитиш учун «гап ўйнаганлар»? Биз эса...
- Тўшакда дард азобидан қимирлашга мадори келмай ётган бу кимсага одамнинг на раҳми, на шафқати келади...

3-саҳифасида:

- Таҳририятимизга келган ҳеч бир мактуб эътиборсиз қолмайди, дея бир неча бор айтгандик. Ушбу фикримизда ҳаминша собитлигимиз исботини муштарийларимиз хатларига бағишланган саҳифамизда кўрини!

4-саҳифасида:

- «Ўлчовда хиёнат қилганларга вой бўлсин...»

Чўли ота номидаги хўжалик маҳалла аҳолиси экинларини сув билан таъминлашга ваъда берди (шартнома тўзди).

КАШҚАДАРЁ

ТОМОРҚАГА СУВ КЕЛАДИ

Қарши туманида қишлоқ хўжалигини ислохотлар маҳаллаларга ҳам етиб келди. Бу йил маҳаллаларда амалга оширилган экин-текин, ободончилик, таъмирлаш ишларини маҳаллалар аҳолисининг ўзлари бажардилар. Қашқадарёда иссиқлик 40-45 даражага кўтарилган

айни саратон пайтлари сув танқислиги айниқса сезилди. Томорқаларда не умидлар билан экинган экинлар сувсизликдан қонжираб, қилинган меҳнатлар зое кетди. Бу йил хўжалик худудиди бундай аҳволга чек қўйилди. Негаки маҳаллалар томорқаларни сугориш буйича хў-

жалик билан шартнома тузиб олишди. Унда ҳар икки томоннинг вазифалари аниқ белгиланган.

Томорқалардан олинadиган даромад оила бюджетига катта аҳамиятга эга, дейди Хонён маҳалласи оқсоқоли Абди Раҳимов. - Ортиқча маҳсулотларни хўжаликда ташкил этилган бо-

зорга олиб чиқадилар. Иккинчидан, оилалардаги ёшлар, хотин-халалар иш билан таъминланадилар. Ҳозир ариқлар тозаланиб, атрофдаги дарахтлар тартибга келтирилиб, лозим топилаган жойларда мевали дарахт кўчатлари ўтқазилган.

Дафт қишлоқ фуқаролар йиғинининг раиси Ха-

лим Эшонқуловни суҳбатга тортидик.

Хўжалик билан тузилган шартномада шу давр мобайнида қанча сув кетиши ҳисобланади. Ҳозир эса маҳалла оқсоқоллари орқали чек асосида амалга оширилади. Маҳаллага сув келадиган ариқларда кичик сув иншоотлари ўрнатилди.

Хўжалик мутахассислари ва оқсоқоллардан иборат махсус гуруҳ тузилган. Улар ҳар бир маҳалладаги хонадонларда ариқлар қазиниш, да-

рахтларни буташ, тагини оқлаш, тозалаш ҳамда бошқа ободончилик ишларининг амалга оширилиши билан таъминлаш ўз хулосаларини беришди. Ана шундан кейингина маҳаллага сув берилди.

Хўжаликда умумий гаплар эмас, аниқ мақсад, ҳисоб-китоблар асосида иш ташкил этилган. Бундай тартибни ҳар бир шаҳар, туман, қишлоқ, маҳаллада ташкил этиш фақат фойда келтиради.

Э.КУРБОНОВ.



Ўзбекистон Республикаси Давлат матбуот қўмитасида 00123-рақам билан рўйхатга олинган.

Нашр кўрсаткичи: 148

Ҳомий: «Матбуот тарқатувчи» ҳиссадорлик жамияти

Қабулхона — 136-53-93, Тел/Факс: — 133-44-25.

Мақола ва хабарлар мазмуни, факт ва рақамлар учун муаллифлар масъулдилар.

E-mail: mahalla@gazeta.silk.org

Таҳририят манзили:

Тошкент, Буюк Турон кўчаси, 41-уй

Телефонлар:

Хатлар бўлими: 136-53-75, масъул котиб: 136-53-75

ижодий бўлимлар — 136-53-82,

